



Broj: 01-02-1-629/18

Sarajevo, 5. 3. 2018.

Parlamentarna skupština BiH

Kolegij Predstavničkog doma

Ustavnopravna komisija Predstavničkog doma

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO		05-03-2018	
Organizaciona jedinica	Klasifikaciona oznaka	Redni broj	Broj priloga

Predmet: Prijedlog zakona o izmjenama i dopunama Izbornog zakona Bosne i Hercegovine - *Mišljenje*, dostavlja se

Veza: Vaš akt broj: 01-02-1-629/18, od 28. 2. 2018.

Zakonodavno-pravnom sektoru u prilogu akta, broj i datum veze, dostavljen je na mišljenje *Prijedlog zakona o izmjenama i dopunama Izbornog zakona Bosne i Hercegovine* (u daljnjem tekstu: Prijedlog zakona).

Prijedlog zakona, broj: 01-02-1-629/18, od 20. 2. 2018., podnijeli su: Mirsad Mešić, Denis Bećirović, Saša Magazinović, Mirsad Donlagić, Fehim Škaljić, Damir Arnaut i Damir Bećirović, poslanici u Predstavničkom domu, kao ovlašteni predlagači u skladu sa članom 104. stav (1) Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15 i 97/15), uz prijedlog da se razmatra po hitnom zakonodavnom postupku u skladu sa odredbama člana 133. Poslovnika Predstavničkog doma.

Na osnovu člana 106. st. (1) i (2) Poslovnika Predstavničkog doma (u daljnjem tekstu: Poslovnik) Zakonodavno-pravni sektor daje

MIŠLJENJE

I. Usklađenost s odredbama Poslovnika

Tekst Prijedloga zakona, u skladu s članom 105. stav (1) Poslovnika podnesen je u pisanoj i elektronskoj formi, na hrvatskom jeziku.

U skladu s članom 105. stav (3) tač. a), b), c) i d) i članom 105. stav (5) Poslovnika, uz Prijedlog zakona dostavljeno je obrazloženje koje sadrži:

1. ustavni osnov za usvajanje zakona;
2. razloge za donošenje zakona;
3. principe na kojima je zasnovan prijedlog zakona;
4. obrazloženje pojedinih rješenja;
5. procjenu finansijskih sredstva neophodnih za provođenje zakona,
6. odredbe koje se mijenjaju odnosno dopunjavaju i verziju prečišćenog teksta Zakona.


U skladu sa članom 105. stav (4) Poslovnika, mišljenje Direkcije za evropske integracije o usklađenosti prijedloga zakona sa zakonodavstvom EU pribavlja Kolegij Doma.

Iz navedenog proizlazi da je Prijedlog zakona *usklađen* s članom 105. Poslovnika.

II. Usklađenost s Jedinštenim pravilima za izradu pravnih propisa u institucijama BiH ("Službeni glasnik BiH", br. 11/05, 58/14, 60/14, 50/17 i 70/17)

Izborni zakon Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) (u daljnjem tekstu: Zakon)) stupio je na snagu prije donošenja Jedinštenih pravila za izradu pravnih propisa u institucijama BiH (u daljnjem tekstu: Jedinstvena pravila) i samim tim ne odražava pravila kojima su utvrđeni formalni kriteriji za izradu pravnih propisa u institucijama BiH.

S obzirom na to da Prijedlog zakona nomotehnički prati izvorni tekst Zakona, Zakonodavno-pravni sektor ne može dati mišljenje sa aspekta usklađenosti s Jedinštenim pravilima.

Rukovoditeljica
Zakonodavno-pravnog sektora

Mirjana Kutanjac

Dostaviti:

1. naslovu
2. a/a